



111

ADVERTISSEMENT  
ET PREMIERES  
E S C R I P T V R E S  
du Procés.

Pour Messieurs les Deputez des Prouinces du  
Royaume de France, aux pretendus Estats  
qui se deuoient tenir en la ville de Blois  
demandeurs d'une part.

*Le Peuple & les heritiers des defuncts Duc &  
Cardinal de Guise aussi demandeurs &  
ioincts d'une part.*

Contre Henry de Vallois troisieme de ce nom  
ladis Roy de France & de Poloigne autre-  
ment dict Theſſalonien, au nom & en la qua-  
lité qu'il procede defendeur d'autre part.


*Auec l'Approbation des Docteurs.*

Et se vendent chez Denis Binet.

*Auec Permission,*

M. D. LXXXIX

THE NEWBERRY  
LIBRARY



*Aduertissement du Proccs.*



1553  
326  
ESSIBVRS les Deputez des Pro-  
uinces du Royaume de France,  
demandeurs selon l'exploict & li-  
belle de M. Pierre du four l'Euef-  
que, en datte du xij. Ianuier, mil  
cinq cens quatre vingts & neuf, d'une part.  
Et le peuple & consors aussi ioincts deman-  
deurs d'une part: Cōtre Henry de Valois, au  
nom & en la qualité qu'il procede, defendeur  
d'autre part: Disent par-deuāt vous Messieurs  
les Officiers & Conseillers de la Couronne  
de Frâce, tenās la Cour de Parlement à Paris.  
Que pour les causes, raisons & moyens cy a-  
près deduits.

Ledit Héry de Valois pour raison du meur-  
tre & assassinat commis, es Illustrissimes per-  
sonnes de Messieurs les Duc & Cardinal de  
Guyse: Sera condamné pour reparation du-  
diēt assassinat, à faire amande honorable nud  
en chemise, la teste nue, & pieds nuds, la cor-  
de au col, assisté de l'Executeur de la haulte  
Iustice, tenant en sa main vne torche ardante  
de trēte liures, lequel dira & declarera en l'as-  
semblee des Estats les deux genoux en terre:  
Qu'à tort & sans cause malicieusement & te-  
merairement il a commis ou faiēt commet-  
tre ledit assassinat aux dessusdiets Duc & Car-

à Dieu, à la Iustice, & aux Estats. Que dès à present comme criminel & tel déclaré, il sera demis & déclaré indigne de la Couronne de Frâce, renonçât à tout tel droit qu'il y pourroit pretendre. Et ce pour les cas plus à plain mentionnez & declarez au procez, dont il se trouuera bien & deuement atteint & conuaincu. Oultre, qu'il sera banny & confiné à perpétuité au conuent & monastere des Hieronymites, assis pres du bois de Vincienne, pour là y ieuner au pain & à l'eau le reste de ses iours, ensemble condamné és despens, & à ces fins disent:

Que Héry de Valois depuis cinq ou six ans en çà, faisant aucunement paroistre qu'il estoit fort zelé à la Religion Catholique, Apostolique & Romaine. Il fit bastir & construire en plusieurs endroicts de ceste ville de Paris, & hors icelle quelques Monasteres pour y faire deuotement celebrer le saint seruice diuin: ensemble vn ordre des Penitens blancs, pour de plus en plus confirmer sa sainte volonté: & monstrier à plein œil de quelle integrité & sincerité de conscience il procedoit à l'aduanancement du seruice de Dieu & de son Eglise.

Toutesfols l'yslue nous a bien monstrier le contraire, que cela ne se faisoit que pour dissimuler, & pour couvrir la mauuaise affectiō qu'il auoit à l'endroit de la maison de Guyse afin à coubrer pretexte du seruice de Dieu ille



peult attraper.

Mais le bon Dieu qui cognoist toutes choses & qui voit iusques au plus profond de nos entrailles, quelles sont nos conceptions, n'a permis que telle meschanceté ait esté executée sous ombre d'une deuotion, & sous le nom de pieté.

Quoy voyant ledict Henry que Dieu luy auoit manqué de garad pour ceste fois, il faduisa en l'année mil cinq cens quatre vingts & sept, de dresser à ce grand Prince belliqueux le Duc de Guise, vne armee effroyable de ces barbares Reistres, pensant aussi tost qu'ils auroient mis le pied en Frâce, que ce braue Capitaine & genereux, hazarderoit vne bataille en laquelle luy & sa maison y pourroient demeurer.

Mais ce grand Dieu des batailles cognoissant de rechef l'entreprise & le cueur de ce tyran & nouueau Athee de Henry, lequel esperoit par la mort de ce Prince planter l'heresie en France, destourna ce coup, & favorisa tant ce Prince, qu'au ce vne petite poignée de gens il mit à neant & à vauderoute ceste puissante armee qui s'estoit retiree dans Auneau.

Henry aduertty de ceste defaïcte, & que ses desseings estoient rompus, & comme l'on dict que tout ce qu'il faisoit ne portoit coup. Il delibera le douzième May, 1588. de le surprendre dedans la ville de Paris par le moyen de

quelques intelligences qu'il auoit avec des plus grands de ladiète ville de Paris, y faisant entrer quelque nombre de gens d'armes, cōme de ses gardes, & quatre compagnies de Suysses, les quels se saisirent des fortes places, pour empescher que le peuple ne fit resistance, afin de mieux iouer leur jeu.

Toutesfois ceste troisieme deliberation ne peult nō plus sortir à effect que les deux premieres: Dieu permettāt ce iour là que le peuple se sauua & le Sieur Duc de Guise ensēblément par le moyē des Baricades qu'ils firēt, où plusieurs Suysses furent tuez que blesez, qui faisoient contenance de vouloir se remuer.

Toutes ces choses ainsi passees, au lieu qu'elles deuoient seruir de quelque aduertissement audit Héry, & croite qu'il y auoit vn Dieu qui rōpoit & faisoit baisser le coup de ses mauuaises deliberatiōs. Ce neantmoins ce malheureux loup enragé oubliāt Dieu du tout, pour assouuir son appetit desordonné, & voulāt cōme lon dist faire sa dernière main: Il aduisa de faire tenir ses Estats en la ville de Blois pour plus facilement executer sō entreprise. Ou nō obstāt toutes les asscurāces qu'il eust donē au Sieur Duc de Guise & à mōsieur le Cardinal son frere, par sermēs sollēnels, cōfirmez sur la sainte Eucharistie. Cela ne peult empescher que malheureusement il ne fit assassiner ces deux Princes valeureux & magnanimes.

Pour raison duquel meurtre les Estats s'en estans plaincts, & donné assignatiō audict Héry & autres cōplices à comparoit en la Cour de Parlemēt à Paris, par deuāt Messieurs les Cōseillers & Officiers de la Courōne de France, pour respōdre aux cōclusions par eulx prises en leur exploict libelle dudiēt M. Pierre du Four l'Eueſque: lequel apres auoir bien & deuemēt obtenu leurs defaults.

En fin les parties auroient esté appoinctees en droit à escrire par aduertissemēs, lesquels serōt cōmuniquez aux parties pour y respondre dans la huitaine, & la huitaine ensuiuāt bailler cōtrediets & saluatiōs dās le temps de l'ordonnance, informer afin de de spens.

Satisfaisant auquel appoinctemēt, disēt les demādeurs: Que si iamais il se presenta à la Cour faict estrāge, & digne d'estre puny exemplairemēt, cestui cy cōme du tout nouueau & non accoustumē, doibt estre extraordinairement puny.

Et sans entrer en consideratiō de la personne dudiēt Henry, ny à sa qualité laquelle nous est trop cogneue par ses malheureux deportemēs & actiōs funestes: mais s'arrestāt seulement sur vne circōstance de faict qui est: Qu'il a cōtre le sermēt par luy faict sur la sainte Eucharistie violé & rompu la foy publique. L'on trouuera que ce seul poinct est plus que suffi-



Car cōme cestē façō de iurer se trouue extraordinaire & nō accoustumée, aussi y prenāt garde de pres, on y trouuera entre autres choses vn blasphème cōtre la Religion Catholique autāt execrable & detestable qui se puisse dire ny pēser. Qui est que ledict Héry qui en apparece se disoit tres-chrestie, ce neātmoins n'a peu plus à descouuert se declarer qu'il estoit vn vray Athee & periure, qu'en faulçant & desauouāt à pur & à plain sans aucune cōtraincte, tāt sa religiō que la foy & le serment qu'il auoit faiēt sur la Sainte Eucharistie. *Cuius violata religionis pars, disoit Cicero 2. de leg. Iustam recusationem non habet.*

Ce sermēt au cōtraire a tellemēt les defūcts Duc & Cardinal de Guyse assurez, que cōme vrays & bōs Catholiques, & tres-affectiōnez & zelez à leur Religiō, Ils ont pēse qu'il n'estoit possible au mōde, de receuoir vne plus grāde assurāce dudit Héry (sans faire aucune recherche d'autres moyēs pour sçauoir s'ils se deuoient fier, ou nō) qu'en leur dōnant pour vn bō hostage le corps & sang precieux de nostre Sauueur & Redempteur Iesus Christ.

Nous lisons que les Pythagoritiēs pour témoignage de la fidelité & de l'assurāce qu'ils auoient les vns des autres, ils auoient vn prouerbe entr'eux, lequel estoit tel: *μὴ παντὴ μεβαλλεῖν δεξιάν.* *Id est vnicuique dextram non porrigendam.*

Cōme s'ils vouloient dire, apres que l'hōme de

n'est pl<sup>r</sup> en luy de la pouuoir rōpre ny faulser  
sans encourir vne grande infamie, & blasme  
d'vn periure.

C'est pourquoy le Poete Homere a dict fort  
bien.

ὄνχ' ἐμὸν παλιν ἄρετιν ὄνδ' ἀπατήλομ  
ὄνδ' ἀτελείπει ρη' ὅτι κέμ κεφαλὴ καὶ πένεσο,

Et veritablemēt la foy encorès qu'elle pro-  
cede de la parole, cōme dict Platon : Si est-  
ce que nous la deuōs estimer comme vne chose  
tres saincte & inuiolable, laquelle a ceste vertu  
& puissance de nous vnir & lier tellement les  
vns avec les autres, de sorte que s'il aduiēt que  
nous la rōpions, nous demeurōns en reputa-  
tion du plus meschant, & du plus desloyal  
homme qui soit au monde.

Et pour exēple d'vne desloyauté & periure  
insigne ie vo<sup>s</sup> supplie Messieurs de vo<sup>s</sup> represen-  
ter (helas à nostre tres-grād regret) ce que ce  
dissimulé & nouueau Athee Hēry de Valois  
a cōmis ces iours passez sous vne foy publique  
aux Estats tenus en la ville de Blois : ayant  
inhumainemēt meurttry & assassiné ces deux  
genereux & magnanimes Princes Messieurs  
les Duc & Cardinal de Guyse, sous' pretexte  
d'vne assemblée & conuocation generale de ses  
Estats qu'il vouloit & entendoit tenir en ladi-  
cte ville de Blois, afin de plus aisément execu-  
ter ses mauuais desseings.

Et pour mieux rellier & de luy faire conuaincre



prise, il v'la de sermens fort solempnels, reitrez, lesquels depuis il confirma sus la Saincte Eucharistie.

O faißt estrange & detestable, qu'un Prince lequel auparauât cest homicide par tant d'annees pitoyables & sainctes actions, faisoit paroistre(semble) qu'il estoit la lumiere de son Royaume, & tres affectionné & zelé à la Religion Catholique, Apostolique & Romaine, soit tōbé en vn atheisme & perfidie si grande, de violer le droict de la nature, qui est la foy & celuy des Gens, que les Latins appellent *Fides publica*. Et par nos mœurs, sauf-conduit.

Lequel a esté ainsi nommé à cause de la permission & assurance qui est oſtroyée par le souuerain aux Ambassadeurs, Heraults ou Messagers de l'estranger, & principalemēt de l'enemy, pour venir libremēt, & seiourner au pays, auoir audiēce, & s'en retourner apres en toute seuereté: d'autāt q̄ telle assurāce qui est dōnée aux Legats, Messagers & ambassadeurs soit du peuple ou autres, cōcerne la foy tāt de celuy qui l'enuoye, que de celuy qui le reçoit; cela appartenāt grandement à l'estat public.

Et ce sauf-conduit & assurāce est chose qui appartiēt au souuerain, & pource ne doit elle estre aucunemēt par luy violee: & est appelée foy publique, nō seulemēt parce qu'elle touche la cause publique qui est entre les Roys, Princes & Seignr, mais aussi qu'elle depend de la

commune des gés, qui a estably entre tous les hommes vn droict vniuersel pour conseruer, remettre & maintenir entr'eux vne ferme societé, laquelle estant troublee par la guerre ou autrement, ne se peut reconcilier, que par les Ambassadeurs enuoyez d'une part & d'autre, lesquels on ne peut violer ny forcer, qu'on ne viole aussi le droict des Gens.

Ce que remonstra fort bien Hannon Carthaginois, au Senat de Carthage, blasmant Annibal de n'auoir voulu receuoir au camp les Ambassadeurs venās des amis & confederez, & pour les confederez: Et dit ainsi que recite Tite Line, *Ius Gentium sustulit.*

Les Romains ont fidelemēt gardé ceste foy publique a laquelle Numa dedia vn tēple, luy ordonnant des sacrifices aux despens du public, cōme tesmoigne Denis Halicarna. voulant par là monstrier que la foy se doit garder inuiolablement entre les hōmes, cōme estant le tesmoignage d'une chose tressaincte.

Nous lisons que les Consuls Romains conduisans leur armee contre Amilcar & Hannō, chefs de l'armee Carthaginoise qui estoit en Sicile, Amilcar & Hannon voyās que leur armee n'estoit riē au pris de celle des Romains, Ils furent cōtraints d'entrer en quelque traits de paix avec les Romains: Mais Amilcar ne voulant aller pardeuers eux craignant qu'on ne luy fist comme ils auoient autrefois fait

à Cornelius Asina Ambassadeur des Romains: En fin Hannō se resout d'aller pardeuers eux avec fiance & sauf conduict. Les Romains le receurent fidellemet & feirēt faire vn Tribun des Gens-d'armes qui auoit dit en passant à Hannon, qu'il meritoit d'en receuoir autant que les Carthaginois en auoient fait à Cor. Asina (lequel ils auoient liē & mis à la Cadene & retenu) Mais les Romains luy dirent Hannon, le peuple Romain t'asseure & te donne la foy publique & sauf cōduict, qui doit te assuer de n'auoir aucunement peur ny craincte.

M. Emyle & L. Flamine estans Consuls, il leur fut commadē & enioinēt de par le Senat, de faire rendre & liurer par les Feciales L. Minuce & L. Manile aux Ambassadeurs des Carthaginois, par ce qu'ils les auoient outragez: Mais lors le Senat ne regarda ceux auxquels cela estoit baillé, ains seulement ce que la foy publique requeroit.

Les François entre tous ont religieusement gardē & entretenu la foy publique, & sauf cōduict qu'ils auoient donnē, encores qu'il tournast au preiudice de leur estat, Comme le Roy François premier de ce nom ( que Dieu absolue) Roy de Frâce, ayeul de Henry le Feneāt & Caphart, monstra enuers Charles le quint.

Il est vray que le Roy Loys xi. que Dieu absolue, Roy de Frâce, au traité fait avec Charles Duc de Bourgogne l'an 1476. nonobstat



qu'il eust iuré premieremēt en parole de Roy, puis par foy de son corps, & par son createur, & par la foy & loy qu'il auoit prins en son baptisme, & sus les Euangelistes, & sus le Canō de la Messe, on sçait assez ce qu'il en aduint tost apres.

Le Comte saint Paul ne se voulut pas fier en tout cela quand le Roy luy donna saufcōduict, sil ne iuroit par la vray Croix de saint Lou d'Angiers: Ce que le Roy ne voulut faire ayāt deliberé de le faire mourir, craignāt sur tout ceste vraye Croix, sous laquelle il auoit iuré, estant requis par le Sieur de Lescut auparavant que venir a son seruice, & garda son serment.

De mesme fut fait au traicté de paix faict entre le Roy de Nauarre & Charles de Frâce, Regent, alors que l'Euesque de Lisieux dit la Messe en vn Pauillon tendu entre les deux armées, & reçeut le serment sur l'Hostie, & pour plus asseurer le faict, l'Euesque diuisa l'Hostie en deux, en baillant la moytié au Roy de Nauarre, lequel n'en voulut point prendre, en s'excusant qu'il auoit deietee, ny le regēt aussi n'en voulut point prendre.

Nous trouuōs par les Histoires, que les Romains vsoient de sacrifices & d'effusiō de sang avec plusieurs imprecations & execrations contre les infraçteurs d'alliance & mesmes les Roys de Parthe & d'Armenie quand ils en-

troient en ligue offensive & deffensive, se lioyent les pources, en faisant sortir du sang, le succoient les vns apres les autres

C'est pourquoy le peuple Romain fit faire punition exemplaire & memorable des Fidenates qui auoient tué les Ambassadeurs Romains, cōtre l'aliance qu'ils auoient cōtractee & iuree ensemblemēt : & à Cornelius Cossus ne se pouuant faire d'vne telle iniure. Est-ce icy (dit il) le rompeur d'alliance humaine, & le violateur du droit des Gens? Maintenant ie donneray ceste victime immolee ( si ainsi est que les dieux ayēt voulu estre enterre quelque chose saint) aux esprits des Ambassadeurs.

Cicero recite que Corinthe à esté ruynee par les Romains pour auoir trop rudement traité leurs Ambassadeurs : Et dit ailleurs qu'entre les ennemis les Ambassadeurs doiuent estre en seureté.

Pelopidas estant Ambassadeur en Theffalie s'estimoit estre assez asseuré par le droit de legation, lequel auoit accoustumé d'estre saint entre toutes les gens & nations : & Variō dict, les corps des Ambassadeurs sont saints.

A ceste occasion le I.C. escrit que si aucun pousse & offence l'Ambassadeur des ennemis, celà est estimé estre commis contre le droit des Gens, parce que les Ambassadeurs sont reputez saints.

De sorte qu'il nē faut doubter que les Roys,

Princes & grands Seigneurs ne sacquierent vn mau-  
uais bruit, & renom par tout leur Royaume, terres,  
& Seigneurs, quād ils rompent & violēt cest foy pu-  
blique. *Quem etiam hostes omnium gentium sanctissimam*  
*esse iudicarunt*, disoit Cic. pro lege Man. laquelle leur  
doibt estre comme vn oracle, & leur simple parole  
comme vneloy, non pas auoir vne foy d'aussi peu  
de durce, & aussi peu asseuree que celle des Grecs,  
ainsi que rapporte Polybe Grec de nation: disant  
qu'il fuffisoit de la seule parole entre les Romains.  
En Grece que pour cent escus de prest, il falloit dix  
Notaires, & deux fois autant de seals: & pour cela  
on ne laissoit pas de rompre la foy.

Et Cic. en l'Oraison pro L. Flacco parlār des Grecs  
disoit, *Testimonium, religionem & fidem nunquam ista na-*  
*tio Coluit*. Et Iuuenal en la Satyre vj. parlant de la  
pessidie des Grecs disoit.

*Sed Ione nondum*

*Barbato nondum Grecis iurare paratis*

*Per caput alterius.*

Laquelle perfidie (a la Malhente) ces deux grands  
Princes Catholiques & pilliers de l'Eglise Catholi-  
que Apost. & Rom. ont par trop inhumainement  
experimenté, receuans en leurs corps, pour recom-  
pense des bons & fideles seruices qu'ils ont fait au-  
dit Henry, le seal & le cachet de couraure de ce Grec  
inhumain & barbare.

Lequel pour mieux faire sa trahison, on a veu re-  
uestu en habit d'Hermite deguisé, tantost masqué  
d'un sac de Pœnitent dissimulé, plus tost en vn hoc-  
quet de frere oblat de cuisine tout enfumé, faisant  
contenance & morgue d'estre bon Catholique à fer-  
emoulu: & neantmoins depuis on a recogneu qu'en  
luy, il ny auoit aucune furoté, ny a lettres, ny a  
sceaux, ny a sermes, ny a sauuegardes qu'il enst donné



ou promis: effacant par ce moyen la marque de loyauté, qui estoit nee avec luy, emportant le nom de Roy *Tres-Chrestien*.

Ce sont en effect Messieurs, les deportemens dudict Henry, lesquels les demandeurs vous ont bien voulu représenter, affin de vous supplier d'en faire la Iustice, & de punir vn assassinat si qualifié, comme est cestuy-cy, de peur que sil demeureroit impuny, il ne vous soit reproché a laduenir, d'auoir esté trop laches, sans cœur, sans courage, ou plus tost sans auctorité, comme il s'est ven de rangon & Fregose Ambassadeurs du Roy de France, lesquels furēt tuez par les officiers de l'Empereur Charles le 5. sans qu'ō en fist iustice, mais deuez faire de mesme de ces meurtriers, & de ceux qui en ont esté aucteurs, & consentans, comme firent les romains, lesquels liurerent aux ennemis, Minutius & Manlius: & vne autrefois Fabius & Apronius, pour les faire mourir ou en disposer a leur plaisir, par ce qu'ils auoient tāt soit peu offensé les Ambassadeurs, qui est la peine ordinaire de la loy.

Car si la foy n'est gardee aux Ambassadeurs, que doit on esperer des autres. Où sera la seureté ny la foy, sinon avec les Roys protecteurs de la liberté & de la frâchise, sous laquelle vn chacun se targue, principalement quand l'on est pres de leur personne, à vne assemblee & conuocation generale des Estats, où l'on se promet d'y receuoir autāt de seureté & de fiâce cōme l'on pourroit faire en sa propre maison pres de sa petite famille.

Le prince qui a la foy publique en recōmandatiō, n'est besoin de luy demāder de sauſcōduict & d'asseurance, comme firēt les Romains aux trêtes Ambassadeurs qui anoiēt esté deputez par ceux de la ville de Carthage pour y demander la paix aux Romains. C

toſt que les Romains leur eurent accordé de leur donner la paix. Il y eut vn ancien Sénateur cognoiſſant la perfidie Punique, qui leur demanda en plain Sénat quels Dieux ils vouloient iurer, ils reſpōdirent, qu'ils vouloient iurer les Dieux qui auoient ſi grieuement vengé la deſloyauté.

Démeſme le peuple François, & les ames bié-heureuſes de ces deſuncts, à l'exēple de ſes anciens, demāde à ce grād Dieu omnipotēt qui luy plaiſe prédre la végeance du periure & de la deſloyauté de ce tygrē Henry, Prince malheureux, & à demy perdu, lequel les a trōpez cōtre la promeſſe de fidelité & loyauté, qu'il leur auoit faicte & iuree en plaine aſſemblée des Eſtats: & que pour ſalaire & recōpenſe d'un ſi malheureux acte l'on diſe de luy le proverbe ancien qui eſtoit, *Rex fuit nunc aſinus*, Ne luy eſtant plus permis ny loyſible de prendre le tiltre de Roy de Frāce Tres-Chreſtien, ny d'auoir en ſon gouuernemēt le peuple Frāçois Catholique & fidele, lequel à ceſte occaſion a eſté diſpenſé de l'obeyſſance qu'il eſtoit tenu de luy porter.

Par ces moyens & autres que la Cour de grace pourra trop mieux ſupplier, concluent les demandeurs avec deſpens.

Pour l'abſence de l'Advocat ſigné,

CHICOT.



